

康熙定邊縣志

一冊

康熙定邊縣志

抄本 一冊

序

聖天

邑之有志
子以禮治天下也有天道焉有地道焉有
人道焉不可不知也何以知其然也於春
秋見之矣是故志星野志災祥天道也志
疆域山川城池物產地道也志沿革風俗
官制戶口田賦課程兵防學校祠祀以及
古蹟名官選舉人物孝義烈女流寓隱逸
藝文廣而至於仙釋土司無脩載人道也
何以知其然也春秋書恒星不見書星隕
如雨書隕石書孛入北斗星也書螟蟲無
冰無禾廩災地震大水大旱大有災祥也

君子觀之而恐懼脩省焉是不謂天道乎
書滅下陽書城虎牢譏失險重疆域也書
梁山沙鹿謹記其異重山川也書城邳城
楚丘城緣陵重城池也貢職不脩必書其
慢明物產也君子觀之嚴守土之責植物
產之宜是不謂地道乎書邦國之遷滅沿
革也書會夾谷書墮費變齊變魯風俗也
書郊子來朝傳曰孔子往而學之官制也
書城楚丘傳曰文公元年車三十乘季年
乃三百乘美生聚也戶口也夫民以食爲
天上下之所寶也大饑有書告糴有書
盟甯毋有書田賦課程也書戰奚戰

陞有備無備異矣兵防也胡傳曰泮宮國
之先務以美僖公學校也書丞書嘗書丹
楹刻角作主用牲受賑不敬傳亦及之重
祠祀也書毀泉臺古蹟也書季來歸人物
鄉賢也有賢必書施及子孫名宦也於周
書尹氏仍叔之子於魯書季友仲遂訊世
官重選舉克段之傳曰潁考淑純孝也國
書伐我之傳曰僮汪錡剋能執干戈以衛
社稷可無殤也孝義也書叔姬歸於鄆列
女也書曹會奔蔡季歸流寓也書齊伐我
兆鄙傳曰使展喜受命於展禽隱逸也貴
文告之辭藝文也春秋無釋若頓子沈子

伐吳猶書之土司也君子觀之其於民也安
之養之教之急賦稅敬鬼神舉賢能厚風俗
稽典冊是不謂人奇乎兼此三者以脩其身
以治其民是不謂禮乎昭之三年書韓起來
聘觀書於大史氏易象與春秋曰周禮盡在
魯矣然則春秋者禮也故曰於春秋見之也
定邊之爲邑小者也邑之有令微者也然而
車書一統

聖人之禮無不在焉敢不志與

定邊縣誌目錄

星野 氣候附

疆域 形勢附

風俗 彙種附

古蹟 勝景附

戶口

課程

沿革

山川 關梁井泉附

城池

制官 官署倉廩附

田賦 祭祀俸工銀附

物產

學校

兵防

鋪哨附

名宦

鄉賢人物闕

孝義

列女

流寓

隱逸

仙釋

土司

災祥

藝文

祠祭

庵寺附

職官

選舉

星野

古者以星分野其說以到宿所屬星土因次舍所見妖祥占其屬地應將鼓昔人有仰觀而俯察者矣滇附於益厥爲井鬼邑之分野豈有異哉孔子罕言命天道固難測也然語云善言天者必有驗於人人咸而星應之此理之常無定怪者作星野志

天文井鬼分野定邊地應屬天市西垣第四星不外實流之次

按楚雄在益州西境屬西垣第四星定邊雖在楚雄極西而漢時屬益州部其躔度當不出此

若其氣候則其定邊爲楚雄屬邑然較之楚雄猶爲炎熱蓋邑治四圍大山迫臨城市故氣候猶暖惟遇風雨畧有微涼

沿革

三代而上要荒之城羈縻而已況定邊又遐方黑子哉漢唐以來尚未置邑濮洛之名所由來也蒙氏稱為南澗段氏時為大理舊治聲孝不通抑又畧矣元始設縣而有明因之沿革之畧不可覩耶作沿革志

漢時屬益州部為濮洛蠻所居

唐蒙氏仍為濮洛蠻所居地曰南澗

宋為大理段氏舊治所

元至元十二年於南澗設置定邊隸鎮南州後省縣入州元末為白彛渠帥刀斯郎所據明初復置縣改隸府編五里曰羅伽甸今曰羅里葩仁牧今曰仁里阿克今曰克里阿赤摩今曰赤里阿集苴今曰集里

疆域

形勢附

威楚爲南中之咽喉而南澗實西南之門戶順雲蒙景環羅西北野賊出沒倚爲屏障焉雖然語其地則爲道雲盤語其人則惟魯愚懦觀兵力之單弱策邊荒者寧得不顧慮耶作

疆域志

縣在府治西四百一十里東三百里至南安州界西南一百一十里至景東府界西北八十里至蒙化府界北十五里至趙州界西一百五十里至雲州界東北二百四十里至鎮南州界距省計八百四十里

其形勢則山川隱峻爲滇省西南門戶

東北距總兵坡巒峭削洵稱鳥道羊腸西接無量山滄滄江威寶山通順寧雲州蒙化景東及者羅諸彝當時緬兵

入寇不由騰永直走定邊蓋以岐路多而幽徑僻遠邇策應不及時全滇震動實諸邊之要隘控制百蠻必扼此以圖萬全焉
山川關梁井泉附

地險山川兵陵也而邊邑爲甚螺盤太極聳峙後先環水蘭江盤薄遠近邑中來一年旬蓋鮮覩焉硤确瘠薄地無他產而道路阻深轉徙之利負販維艱思爲小民與起利益雖有良吏勞若而難爲也關梁井泉所以詰奸利沙在邑境有可述而可

志者作山川志

真武坐臺山

縣治後縣治設於山嶺左社學右祠廟前溫泉後擁翠蓋定邊雄鎮云

擁翠山縣右十里有刀斯郎營寨道址

陶羅山去縣五里高可千仞

蒼山縣治十五里

螺盤山

縣東北十五里山頂盤旋如髻西平侯與刀斬郎大戰於此
總兵坡又名黃土坡肇武坡

團山縣治前二里峙河心

無量山

縣西五十里唐蒙氏封為西岳其山高可萬仞為西南天塹十
峰萬壑有足跡所不能至周只無量俗傳孔明克順寧至此絕
糧誤為無糧

鳳凰山

縣西三十里當年有鳳凰鳴於上至今七八月間霧氣籠
罩百鳥每翔集焉

馬鞍山

縣治後形如馬鞍又名月牙山八景中北山偃月是也

太極山縣北四十里高入雲際起出群山之表又名片掃山

螺與山

縣治前二里其形如螺高五丈餘石河渚中在水冲激不崩亦奇跡也

定邊河

在縣治前環繞其境內其水發源蒙化羅丘廠奔流衆山中出永勝廠歸沅江其河原無堤岸夏秋間霖雨遭天不時泛漲東西冲没田禾間有沙石堆積壞田錢糧賠納者

環川河

在縣左發源於漾濞即花盤洛威寶太極山灣迴環而出經蒙化川流入定邊古稱陽江其河水亦無堤岸而爲害田禾如定邊河亦歸沅江

白崖河

在縣東十五里發源雲南縣梁王山經迷度在彼爲里社江在此白崖河流入定邊東湧村合定邊河環川之水出永勝廠總歸沅江

阿集苴河

在縣五十里發源於阿克小板橋從無量山脚流石洞寺雀兒田出景東府大河亦無堤岸

瀾滄江

在縣西南一百五十里發源於外域入永昌順寧蒙
化經沙羅無量山下景東寶甸入錦龍江江內縣轄
江外即雲州境其水深洶湧兩岸壁立滇江奇勝也

自普關

縣治北螺盤山頂離縣十
五里前通縣治後達密只

永濟橋

新田驛前明成化八年建阿集苴河

平彛橋

縣前久廢

德勝橋

縣北十里明初西平侯征南至縣刀斯郎伏兵於此
俗傳武侯所建大水久冲橋址猶存

永陞橋

縣北十里即在古德勝橋之上康熙三十八年署
定邊縣事楚雄府同知衛淇置

石羊井

縣北五里上有不似羊人不敢動動則井水泛溢

大水井

邑東山頂清冷芳潔烹茶最美

白沙井

縣西南二十里崗上止此一泉往來飲之以解煩
渴其水清潔烹茶極佳井泉俱白沙

麴泉

縣治後泉水香甘可以造麴因名今已乾涸僅存
遺址

溫泉

縣治東詳在八景之內

風俗

國有禮義故化行俗美也記曰忠信之人可以學禮然則推魯樸質雖曰近野非忠信之資哉考之滇志邊故樸落地其民類多樸訥不尚浮靡君子有以風之摩之以仁漸之以義敦詩書而敷文教使婚姻喪祭皆有秩序安在不爲禮俗者也父兄之教不先敢曰民其愚哉作風俗志定邑山簇層霄水無停聚男婦耕穫石田不贍朝夕故崇險之風甚於他邑城市多漢貿易是資鄉多爨種火種刀耕漢俗婚喪祭祀歲時之禮儀文粗備數更火爨絃誦者寡遂小騰達然士尚敦謹不驚紛華近設廣文學者視前頗衆風氣漸開未可限也